

## **Títelé foí ke Yohani uu n wói**

*Lelɛɛ rítelɛ ntí kɛmɛɛ ní wɛ*

Kirisi pikó pɛ nfasimé kapí ne icélaa kópe n cókoi ke Yohani uu rítelɛ foí ntí wóipɔ. U icélaa kópe pikó pɛ tinyíri he re Kirisi pilaarɔ. Pi kesile re Kirisi úu kesoipipi, ápi akópe ncaai kpíilɛ te linyine, ápi lɛ ke akópe aa ye tó ne Uléécɛa keɔpe n caai kpíilɛ te linyine. Ai pee wai re ái cónlɛ te Kirisi ukó uké isoi sone n le. Piyómeyáhaa féé pinyine pee icélaa iyɛ céesi.

Lɛ nnya ke Yohani uu n wói ye nní: U lalɛ icélaa iké keɔre n we uké kɔ aseɪ ripérése. Lɛ nnya kuu pi léise re piké icélaa iyɛ kapí kékoraane-mɛ n kó timúlú nsonɛ (2:24).

*Ifaaci iyɛ mekériine ye mmé:*

1. Úteléwɔle ye nyísele re u Yeesu useérakó le (1:1-4).
2. Yohani ye re pisoi piké metéi kɛmɛɛ isoi n le. Likumúnjé re Uléécɛa ye metéi le. Lɛ kɛmɛɛ, li pise re Kirisi pikó piké nla isé n tikilɛ (1:5-2:17).
3. Kirisi pilaarɔ píima mekame nkó ke úteléwɔle uu nté símisi (2:18-29).
4. Uu kɔ Kirisi ukó mɛwee léise (3:1-24).
5. Iye kapí ye nnóomesimé ne nsímései ceri api kóólenɛ (4:1-6).
6. Nala ke usoi uu ye ne nyíse re u Kirisi ukó le (4:7-21).
7. Tó fe ari nfatɛnɛ kpísi arí ne akópe feriyɛ (5:1-21).

*Nsímé mɛɛ ye nfáa n he*

<sup>1</sup> Λελεε πεε νήπά yo κε Uléécaα uu n wa kekoraa-ne-me ní we, ari linsímé kóm, ari kə ne irónípee li yenu ari li nyáni, ari kə ne arónípe li ca, lee nní rinóo tee ye nfáa n he.

<sup>2</sup> Sáa kέmεε kari peé wepə. Li nfáa mmē tó nyísele ari n yenu. Lē nnya kari nfáa teneciré mmē nsímé símisi, tən kə nó n yóólē.

<sup>3</sup> Lē kari n yé ari kə kom kari kə nś yóólē te tó ne nnó təké ripéne tən ne kesē tó ne Sáa ne Ukepipi Yeesu Kirisi kupéneco kέmεé we.

<sup>4</sup> Təké ne mpóonare m má ne kétə-pə nnya kari tirócuruu lē wai.

### *Uléécaα ye metéi le*

<sup>5</sup> Nsímé ke Yeesu Kirisi uu ní ma ari n kóm tən kə n yóólē ye mmú re: Uléécaα ye metéi le, kuɲmaha kúka áku ukeméé we.

<sup>6</sup> Tən m maa re tó ne Uléécaα ye pénelē, tən kə peε kuɲmaha pikei wai, tə pinóome le, ari nsímései tikilē.

<sup>7</sup> Amá in te metéi kέmεε kari sόne, yare ke Uléécaα uu nní metéi kέmεε ní we, li yé tíyεε tó ne piróco arí m pénelē, Ukepipi Yeesu menyε ame peε nήπά arókope áye ró heεre.

<sup>8</sup> Tən ye m maa re ári akópe má, merócíre kari fómni, nsímései ín keróméé we.

<sup>9</sup> Tən ye arókope n yámne, u yé ró a sárei, uu kə ntócaai nnéi ró heεre. Likumúnjé re Uléécaα ye aseí ute le. U ye nήπά yo wale lin kecíre we.

<sup>10</sup> Tən ye n kesi re ári akópe áka wailē, tə Uléécaα kpísile yare unóome, ai peε nyíse re unsímé ín keróméé we.

## 2

<sup>1</sup> Sinéwá! Ne rítelé ntí nó wólulε re áni kape akópe n wai. Amá in te unyine ye akópe wa, uké n nyu re tó Sáa Uléécaá kέmεε-pə usíméγwó mále. Uyεε aseí ute Yeesu Kirisi.

<sup>2</sup> Uyεε uricuruu kpisi uu arókope kecáá he yare inyóonseseε re Uléécaá uké arókope ró sárei uu ne ketē nnéi písoi akó péne uu sárei.

### *Isé fale*

<sup>3</sup> Tən Uléécaá isé n̄səne m múílē, li nyise re tó u nyule.

<sup>4</sup> Usoi nkó yεε ye ní maa re: “Ne u cerile” úu ye kə pεε uisé rimúlú ye unóome le, nsímései n̄n ukeméé we.

<sup>5</sup> Amá usoi nkó yεε unsímé ní múílē ye nyisele re u u lalε ne kεfa kεse. Lεlεε ye nyise re tó ne Uléécaá ye pénelenle.

<sup>6</sup> Li pise re usoi nkó yεε ye ní maa re tó ne Uléécaá ye pénelenle, unsē nké kə n nyaní yare ke Yeesu nsē ní pεε ní nyaní mecə.

<sup>7</sup> Pinésáne lala kecire, ái isé fale kam nó wólu, amá isé kpure ye nyi kani kékoraane-me ní ywósi. Isé kpure iyεε nní rinów kani pikóme ní masí.

<sup>8</sup> Mpá ne lē, li kə pεε isé fale le yεε Kirisi kέmεε ne nókenémεε n nyiselē te aseí ye nyε. Lεlεε re kuηmaha ye tómpəle, metéi sei pó ne kə pilomme masile.

<sup>9</sup> Nkó yεε m músu re metéi kέmεé kuú we, un kə pεε uuçə ipuri yulu ye kə kuηmaha kέmεé wele.

<sup>10</sup> Nkó yεε uuçə ní la ye metéi kέmεé wele, líka ái ye u lóise.

<sup>11</sup> Amá nkó yεε uuçə ipuri n yúlu ye kuηmaha kέmεé wele. Kuηmaha kέmεé kuu sónε aku u nyiinse úu pεε nyu méye kuu sí.

12 Nǒ sinéwá! Ne rítelé ntí nó wólule ké nó léise re Uléécaá ye Yeesu Kirisi rinyiri nnya nóanékópe nó sáreile.

13 Nǒ pinésáa! Ne nó léisele re no uyee hái kékoraane-me ní we nyule. Nǒ pikpére ne pinmánε, ne nǒ léisele re no ukpááree Setani feriyele.

14 Nǒ sinépipi! Ne nó léisele re nó Sáa nyule. Nǒ pinésáa, ne nó léisele re no uyee hái kékoraane-me ní we nyule. Nǒ pikpére ne pinmánε, ne nó léisele re no páápúle. Uléécaá Nsímé ye nókenéméé wele, ani kó ukpááree Setani feriyε.

15 Ani kapε ketē nké née kelikó n la. Uye un ke n la, úu yé kó fe uké pεε Sáa n la.

16 Ketē kecáa likó ye nní: pikáipinkεε ke usoi uu m má ne lē ke uinipεε ii n nyáni kuu ní la uké m má, née lē kuu m má un ne rikókōri wai. Lē nnéi ye ketē nté likó le, ái Sáa kέmεε kai léeri.

17 Ketē ye tósule, limεcō ke kelikó ke pisoi api n káipinkεε póo kó tósu. Amá nkó yeε Uléécaá mela n wai ye nípá piyei nfáa mále.

### *Kirisi ulaarō*

18 Nǒ sinépipi! Ituηε tōrōo ye tulle. Nō kō te Kirisi ulaarō ye wemele. Kirisi pilaarō ye nkpéni kulúí leemele, nōn kō nyu re ituηε tōrōo ye tulle.

19 Kerócōpe ke lipite pē api léeme, amá ápi pεε pirókó. Pin pεε pirókó, pi yé pεε keróméé tone. Amá kapi nní ní tómpō nnya, li nyísele re pinnéi mmē kέmεε úka úu pεε urókó.

20 Amá Uléécaá ye nǒ Nfáasōne hele yare kapi ye usoi riyu kecáa mékpō n kōonu \*, ani pεε nónnénéí nsímései n nyu.

---

\* 2:20 Luki 7:46

21 Lẽ nnya, áì rε nsímései káni nyu nnya kam nó wólú, amá nε meýíkíyiki nó wólú rε nò nsímései nyu nnya. Nò kò nyule rε nnóòme ríka rín ye nsímései kémeε léeme.

22 Wóo unóòme, kái pεε uyεε n késu rε áì Yeesu ke Uléécaá uu wée? Kirisi ulaarò lo. Sáa nε Ukepipi keté kuu yúlu.

23 Asei kecáá, nkó yeε Uléécaá Kepipi ní yè úu kò Sáa Uléécaá nyu. Nkó yeε Uléécaá Kepipi n ηmurei ye kò Sáa Uléécaá ηmureile.

24 Lẽ nnya, ani tíye nsímé mmē kani háì kékoraane-me n kò nké nókenémee n we. In te nsímé mmē kani háì kékoraane-me n kò ye nókenémée we, nó nε Uléécaá Kepipi nε Sáa Uléécaá yé ripéne aní n we pise.

25 Lẽ ke Kirisi uu n yekei rε u yé ró he leε nní nfáa teneciré.

26 Pεpεε n náási piké nó fóm kecáá nsímé kam nó wólú.

27 Nfáasone mmē ke Uléécaá uu nó n he ye nókenémee wele. Lẽ nnya, áì nkpáni pise rε piké kò nó picélaa rikpá. N yé nípá yo nó céesi yare kai m pise, nnóòme rín kemée we. Lẽ nnya, ani lē ke Nfáasone nn nó n céesi wa, leleε rε ani Kirisi kupéneco kémeé n we.

28 Nó sinépipi! Ani Kirisi kupéneco kémeé n we. Un píyeyi n ka ari pée nε tirópóo n we, isei fi yé ró wa.

29 Nòn n nyu rε Kirisi ye aseì ute le, ani kò n nyu rε nkó yeε nsímései n tíkilē ye Uléécaá kepipi le.

### 3

*Uléécaá sipipi kecáá nstímé*

<sup>1</sup> Ani yē lē ke Sáa Uléécaā uu meyíkíyiki ró ní la api ye ne ró séi re Uléécaā sipipi! Tò kò mesei lē le. Ketē nté pikó api Uléécaā céri. Lē nnya kápi kò tó nyu.

<sup>2</sup> Pinésáne lala kecire! Tò nkpeni Uléécaā sipipi le. Ai kahané isoi iyē karí masí kepire ní wene n nyíse. Amá nse kari pree nyu re Yeesu Kirisi un píyei m pree, tó ha ne menyíne u n we ari pree u yenu yare kuu meyíkíyiki ní we.

<sup>3</sup> Nkó yee lē ne kefa keese n tálē yèè umecire n cápinéle úú wole cáká-cáká yare ke uyē Upíima uu ní we cáká-cáká meco.

<sup>4</sup> Nkó yee akópe n wai úu Uléécaā isé tíkilē. Lē nnya, akópe piwai ye isé pilóó le.

<sup>5</sup> Nò kò pree nyu re Yeesu Kirisi ye ka re uké písoi akópe-i lese, uricuruu úu akópe áka má.

<sup>6</sup> Lē nnya, nkó ne Yeesu Kirisi pree m pénélē úu ye akópe n wai. Nkó yee akópe n wai úu u yenaalē, úu kò u nyu.

<sup>7</sup> Nó sinépipi, áni kape tíye unyine uké nó fóm. Nkó yee n wai yare kai m píse ye aseí tikilenle yare ke Yeesu Kirisi pòó kò aseí n tíkilē meco.

<sup>8</sup> Nkó yee akópe piwai ne kéyu m mahani ye kuníri ukó le. Kuníri kpee háí kékoraane-me akópe wairi. Lē nnya ke Uléécaā Kepipi ake ketē kecáá ka re keké kuníri liwai-wai ritékéé.

<sup>9</sup> Nkó yee m panse Uléécaā kepipi yèè akópe piwai riyále re Uléécaā Nfaa ye ukemeé we nnya. Kuu Uléécaā kepipi nnya, úu yé fe uké akópe piwai n nǎjlē.

<sup>10</sup> Nkó yee úu aseí n tíkilē née úu umáreco ní la úu Uléécaā ukó. Kei kapi ye ne Uléécaā kepipi ne kuníri kepipi ceri api kóólene.

*Uléécaa sipipi meɔpɛcɪre pilakaane nstmé*

11 Tinóɔ tē kani háí kékoraane-me n kō ye ntí re: Tóké meɔpɛcɪre n lakaane.

12 Ari kape Kayee meɔ n we. U pee ukpááree Setani ukó le, uu uumareɔ pá. Yo nnya kuu u ripá? Kayee ricuruu liwai-wai áí pée nyamí, amá uumareɔ líkó pón n nyamí.

13 Pimáreɔ, áí kape pírí nó wa re ketē nté písoi ye nóinépuri yulu nnya.

14 Tó nyule re tó pee kpuwaalenle, ari nkpeni nfáa yenu. Kari pirómáreɔ ní la nnya kari lē nyu. Nkó yee úu umáreɔ ní la ye kpuwaalenle.

15 Usoi nkó yee umáreɔ ipuri n yúlu ye usoikó le. Nó kó pee nyu re usoikó úka úu uisoí kémee ketóne má uké ne nfáa teneciré yé.

16 Yeesu Kirisi ye unfaa kpísile uu tó nnya he arí ne ceru re lē kapi ye sée re níla. Li pise re tóké kó ntófáa kpísi ari pirómáreɔ nnya he.

17 Usoi nkó yee m má, un nkpeni umáreɔ n yē úu líka má, uú ne ukéfa u pésu, íye kuu yé pée maa re uyē ye Uléécaa lalé?

18 Nó sinéwá, ári kape ye nnóosimé nmane ne níla nyíse. Amá tóké ye meýíkíyiki mewai wa ne aseí líké nyíse re tó níla mále.

*Tóké ne nkɪnɪnɪ Uléécaa keyu-i n we*

19 Kei kari yé ne n céri re tó nsímései pite le ye lē. Lelée yé kó tíyese arí ne tirópóo Uléécaa keyu-i n we.

20 Asei kecáá, nnpá lin ne sirófa kémee ró n túhaane re tó akópe wale, Uléécaa ye sirófa fele un kó nnpá yo nyu.

21 Pinésáne, in te líka áí ne sirófa kémee ró túhaane re tó akópe wa, tirópóo karí ne Uléécaa keyu-i we.

<sup>22</sup> Kari uisé ní múlǐ tǎn kǎ lǎlǎe nǎe u n sá wai nnya, tǎ ye tǎn yo mpuri u m pise, tǎ ye ukemǎe li yenle.

<sup>23</sup> Uisé iyǎe nnyí re tǎké nǎe Ukeripipi Yeesu Kirisi kǎfa tǎnǎe ari kǎ n lakaane yare kuu isé ró m pa.

<sup>24</sup> Nkó yǎe uisé iyǎe n tǐkilǎ nǎe Uléécǎa ye pǎnelenle un nǎe we, Uléécǎa pǎon kǎ ukemǎe we. Unfaasǎne kuu ró nǎe hǎe mǎe ró nyíselǎ te tǎ pǎnelenle tǎn nǎe we.

## 4

### *Iye kapi ye nǎe Uléécǎa Nfaasǎne ceri?*

<sup>1</sup> Pinésǎnǎe lala kecire, áni kǎpe ye mǎese nǎe mǎese pǎe nnǎi pǎe ye m pǎlǎlǎe te Uléécǎa Nfaasǎne ye pikemǎe wele nkó ñmurei. Amá ani ye pi pǎe kelenǎe ani yǎnu re li nsímǎsei nǎe ái nsímǎsei. Asei kecǎá, antepuyǎe nǎome ye ketǎ kecǎá kulúí leemǎe.

<sup>2</sup> Lǎ kani yǎe nǎe n cǎri re Uléécǎa Nfaasǎne ye unyine kǎmǎe we ye nní: Uye un tinhǎa re Yeesu Kirisi ye pansǎle kesoipipi uú nǎe ketǎ nté weri, li nyíse re Nfǎasǎne ye ukemǎe wele.

<sup>3</sup> Nkó yǎe úu ye lǎ tinhǎa ye nyísele re Nfǎasǎne nǎn ukemǎe we, amá Kirisi ulaarǎ yǎe u te. Nǎ kǎ te u wemǎe. Ticuruu u ketǎ kecǎá pikǎme masile.

<sup>4</sup> Amá nǎ sinǎwǎ, nǎ nǎe Uléécǎa pikǎ le, nǎ kǎ antepuyǎe nǎome feriyǎle. Nfǎasǎne mǎe nǎkenǎmǎe nǎ we ye Kirisi ulaarǎ fele.

<sup>5</sup> Pinǎome pǎe ketǎ nté pikǎ le. Lǎ nnya kapi ketǎ nté pikǎ mǎe sǐmisi, pǎ pin kǎ kutu pi cǎle.

<sup>6</sup> Amá tǎ nǎe Uléécǎa pikǎ le. Nkó yǎe Uléécǎa n nyu yǎe ye kutu tǎ ricǎ. Amá nkó yǎe úu Uléécǎa ukǎ, úu ye kutu tǎ ricǎ. Lǎ kari ye nǎe ceri kei kǎ nsímǎsei Nfaasǎne nn nǎe we nǎe kei kǎ nnǎome nn nǎe we.

*Uléécǎa ye nǎle*



<sup>7</sup> Pinésáne lala kecire, Uléécaa kémeε ke níla nn léeri. Lē nnya, li pise re tóké n lakaane. Usoi nkó yee uuco ní la ye Uléécaa ukó le un kó Uléécaa nyu.

<sup>8</sup> Uléécaa ye níla le. Nkó yee úu uuco ní la úu Uléécaa céri.

<sup>9</sup> Uléécaa ye Ukepipi cireníne ketē kecáá tummele re keké nfáa fale ró he. Lē kuú ne nyíse re u ró lale.

<sup>10</sup> Nla mmē ne ne mmpehē le. Ai tóo Uléécaa la, amá uyee tó la uu ppe Ukepipi tumti ake kemecire kpísi ake arókópe kecáá he yare inyónseseε aké ne arókópe ró sárei.

<sup>11</sup> Pinésáne lala kecire, in te lē ke Uléécaa uu ró la, li pise re tóké kó n lakaane.

<sup>12</sup> Uka úu Uléécaa yénaalē. Amá tón n lakaane, tó ne Uléécaa ye pénelenle un keróméé we, unla nn kó kerómee yipaalē.

<sup>13</sup> Uléécaa ye Unfaasone ró hele. Lεεε ye nyíse re to ukeméé wele uyē un kó tó kémeé we.

<sup>14</sup> Tó ne yenle ari kó n símisi re Sáa ye Kepipi ketē kecáá tummele re keké písoi ayu lo.

<sup>15</sup> Uye un n ceri un tinhaa re Yeesu ye Uléécaa Kepipi le, li nyísele re liute uyē ne Uléécaa ye pénelenle un ne Uléécaa kémeé we Uléécaa pón kó ukeméé we.

<sup>16</sup> Tó ne yenle ari céru re Uléécaa ye ró lale arí ne kefa tene.

Uléécaa ye níla le. Nkó yee níla m má ne Uléécaa ye pénelenle pin ne we, Uléécaa un ukeméé we, uyē un kó Uléécaa kémeé we.

<sup>17</sup> Tón níla m má ne nketo-pó, tó fe arí ha keyáa kē ke Uléécaa uú ne ró ní túhaanene ne tirópó n we, ke irósoi kari ketē nté ní le ii Kirisi ikó meco ní we nnya.

18 Nkó yee níla m má úu ye iwame n wai. Nla mee ní we ne nketò-pò yèè iwame lakasele. Iwame yèè nyísele re usoi kewuu ye túúni re pi yé kutu u ripasa. Lẽ nnya, nkó ke iwame ii ní we nla rín nyaní ne nketò-pò.

19 Amá in tóò, tò Uléécaá lalé re uyee mefoi ró la nnya.

20 Uye un m maá re: “Ne Uléécaá lalé”, un kò pree uusoicò ipuri yulu, liute ye unòome le. Nkó yee úu usoicò kuu n nyáni ní la úu yé fe uké Uléécaá kúu n nyáni n la.

21 Kirisi ye kò pree isé ró hele re nkó yee Uléécaá ní la uké kò uusoicò n la.

## 5

### *Nfatene mee rínanje kapi ye ne n feriyé*

1 Nkó yee ne kefa n tené re Yeesu ke Uléécaá uu wée ye Uléécaá kepipi le. Nkó yee usáá ní la yèè kò usáá siwā n lalé.

2 Tòn Uléécaá n la, tòn kò uisé n tikilẽ kai yé nyíse re tò Uléécaá siwā lalé.

3 Uléécaá isé pimúlé kémee kai ye nyíse re usoi ye Uléécaá lalé. Uisé íi kò pree páápú.

4 Mpá Uléécaá kepipi kéye ye keté kecáá likó rínanje feriyéle. Ntófatené nnya kake ye feriyé.

5 Wóo ye fe uu keté kecáá likó feriyé, insá uyee ne kefa n tené re Yeesu yee Uléécaá Kepipi?

### *Yeesu kecáá aseéra pilesé nstímé*

6 Yeesu Kirisi yee keté kecáá ka ne míni ne ménye. Ai míni nmané kuú ne ka, amá míni ne ménye kuú ne ka. Nfáasone mee lã símisi. Nfáasone mee nsímései ute.

7 Lẽ nnya, píseérakó ye pitaani le:

<sup>8</sup> Περρεε nní Nfáasɔne ne míni ne ménye. Piketaani ye kɔ ηmurɛile re nsímései ye mu.

<sup>9</sup> PISOI yɛ̀ aseéra lesele ari ηmurɛi. Uléécaá rinɔɔ kuu rinháa ye kɔ πεε lɛ fele. Uyεε Ukepipi kecáá aseéra lese.

<sup>10</sup> Nkó yεε Uléécaá Kεpipi ne kefa n tenelɛ ye aseéra nyɛ ukefa-i yekeilenle. Nkó yεε úu ne kefa n tene ye waise re Uléécaá ye unóɔme le, kúu rinóɔ tɛ ke Uléécaá uu Ukepipi kecáá rinháa ne kefa n tene nnya.

<sup>11</sup> Uléécaá ye nfáa teneciré ró hele. Ukepipi kέμεε ke nfáa mmɛ ní we.

<sup>12</sup> Nkó yεε Uléécaá Kεpipi kɛ n nyu ye nfáa teneciré mále. Nkó yεε úu Kεpipi kɛ m má úu kɔ nfáa teneciré má.

### *Nfáa teneciré kecáá nsímé*

<sup>13</sup> Nó mpi nóɔ nní Uléécaá Kεpipi ne kefa n tenelɛ, nó kam titelé tɛ wɔipɔ re ani ceri re nó nfáa teneciré mále.

<sup>14</sup> Tɔn ne Uléécaá n tálɛ, tɔn yo umela kέμεε u m pise, u ye ne ró kónle.

<sup>15</sup> Tɔn n nyu re nípa yo kari u pise u ye ne ró kónle, tɔ kɔ nyule re tɔ lɛ kari u m pise piyéne masile.

<sup>16</sup> Usoi un umárecɔ n yɛ un akópe nyεε áa ye ne nkɔɔ ní ka n wai, uké ukecáá Uléécaá yáási uké nfáa u he. Περρεε ye akópe nyεε áa ye ne nkɔɔ ní ka n wa ηmane kecáá kam te piké ye Uléécaá yáási. Akópe anyine yɛ̀ ne nkɔɔ kale. Ái πεπεε ye akópe nyεε ye ne nkɔɔ ní ka n wa kecáá kam te ani ye yáási.

<sup>17</sup> Mpá mewai kópe méye ye akópe le. Amá ái akópe nnéi nyεε ye ne nkɔɔ ka.

<sup>18</sup> Tò nyulε rε usoi nkó yεε Uléécαα κεwã úu yε akópε n wai. Uléécαα Kεpipi yèè κericuruu κεcáá m paílenle, ukpááree Setani úu yε κε rica.

<sup>19</sup> Tò nyulε rε tó nε Uléécαα pikó le, ketē nnéi pikó póon ukpááree Setani nnaηε-i pansente.

<sup>20</sup> Tò kò nyulε rε Uléécαα Kεpipi yε kalε akε mesòhò ró hε tóké yε nε Uléécαα yíkíyiki céri. Uκεpipi Yeesu Kirisi κεε tó nε Uléécαα yíkíyiki uyē tipéne tòn nε we. Yeesu Kirisi uyεε Uléécαα yíkíyiki. Uyεε nfáa teneciré.

<sup>21</sup> Nò sinéwá, ani nómenécíre nε pilée tí.

## **Nkomine Fal Ritɛlé Sola New Testament**

copyright © 2010 UEEB/SIM au Benin

Language: Sola (Miyobe)

Translation by: SIM International

### **Sola, Nkomine Fal Ritɛlé**

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1